

UMS akan meneruskan program sukarelawan dan kemasyarakatan

NST 26.5.2017
OLEH MARRYAN RAZAN
marryan@newsabah-
times.com.my

KOTA KINABALU: Universiti Malaysia Sabah (UMS) melalui Jabatan Hal Ehwal Pelajar dan Alumni akan lebih aktif meneruskan program-program ke sukarelawan dan kemasyarakatan komuniti bagi memberikan pendedahan menyeluruh dan membentuk keperibadian para pelajar.

Naib Canselor UMS Prof Datuk Dr.Mohd Harun Abdullah berkata ini penting bagi melahirkan pelajar yang mahir dalam bidang-bidang kepimpinan dan insaniah.

"Kita perlu buktikan, komitmen dan kesungguhan untuk meletakkan UMS ke tahap yang membanggakan dan pencapaian sebenar diukur



SAMPAIKAN ANUGERAH ... Mohd Hussein menyampaikan anugerah kepada wakil Pasukan Bola Keranjang Wanita yang memenang anugerah Pasukan Terbaik Wanita, turut kelihatan Ismail (kiri).

melalui usaha, kerja keras dan pengorbanan.

"Sehubungan itu, antara

tujuan majlis ini dianjurkan adalah sebagai tanda keprihatinan dan sokongan univer-

siti bagi merai kejayaan pelajar kita yang banyak menyumbang dan mengharumkan na-



ANUGERAH ... Mohd Hussein menyampaikan anugerah kepada Presiden Majlis Perwakilan Pelajar UMS, Mohd Afi Haziq Sapili yang memenangi Anugerah Pemimpin Mahasiswa.

ma UMS.

"Kita berharap ia berupaya memberi suntikan dan semangat kepada pelajar untuk terus berusaha dengan lebih gigih bagi meningkatkan lagi sumbangan dan pencapaian di peringkat antarabangsa, kebangsaan dan universiti," katanya.

Beliau berkata demikian dalam teks ucapan sempena Malam Penghargaan Hal Ehwal Pelajar & Alumni ke-19 tahun, UMS, di Klagen Hotel 1Borneo, di sini, pada malam Rabu.

Teks ucapannya disampaikan Timbalan Naib Canselor Hal Ehwal Pelajar & Alumni, merangkap Pengerusi Majlis Malam Penghargaan Pelajar (MAHEPA) Prof. Madya Dr. Ismail Ali.

Mohd Harun berkata, pada tahun 2016, banyak pencapaian dan pembaharuan telah dibuat oleh Jabatan Hal Ehwal Pelajar dan Alumni merangkumi bidang pembangunan sahsiah, kepimpinan dan juga sukan.

"Di samping pencapaian Pusat Alumni yang memberangsangkan sebagai urusetia kebolehpasaran atau GE sehingga mencapai tahap yang disasarkan," katanya.

Beliau berkata universiti merupakan institusi yang mencorak masa depan mas-

arakat dan negara. Teguh dan rapuhnya sistem masyarakat dan industri banyak dipengaruhi oleh para pelajar yang diharapkan dapat membimbing dan memimpin keluarga, masyarakat, industri dan generasi akan datang.

"Negara amat memerlukan anda sebagai pelajar yang holistik dan seimbang dengan menggunakan keupayaan, potensi dan bakat diri untuk membawa kecemerlangan negara.

"Oleh itu, para pelajar sewajarnya mempunyai kemahiran yang tinggi untuk menyelesaikan masalah diri dan organisasi, mengutamakan penggunaan daya intelektual, tinggi daya fikir, bersikap ilmiah serta berupaya menghadapi apa jua situasi dan rintangan," katanya.

Mohd Harun berharap para pelajar UMS terus cemerlang dalam akademik demi memacu kegemilangan negara dan menjadi insan yang mampu memberikan sumbangan kepada rakyat dan negara.

Turut hadir Timbalan Speaker Dewan Undangan Negeri Sabah Datuk Johnson Tee dan Ahli Lembaga Pengarah UMS, Datuk Pengiran Haji Mohd Hussein Datuk Pengiran Hj.Mohd Tahir Nasruddin.